

卷十六

書名 群書考索前集六十六卷
正德十三年建陽劉氏慎獨
書齋刊本
撰者 宋 章如愚 撰
卷 卷十六
內容分類 子 類書 彙考 宋
索書號 子部 類書 17
編號 C5930500

彩色首頁1

東洋文化研究所漢籍目錄 編號 C5930500

東洋文化研究所漢籍目錄所藏漢籍善本文影像資料庫 索書號: 子部 類書 17

漢籍善本文影像資料庫文本群書考索前集六十六卷 正德十三年建陽劉氏慎獨

書齋刊本

版權所有: 東京大學 東洋文化研究所

使用上的注意事項

群書考索卷之一

。六經

易經

學傳授之圖

山堂先生章俊卿編輯

建陽知縣區玉刊行

縣丞管韶校正

羅源知縣徐珪校正

王同周王孫

丁寬

服生

施璧

孟喜

梁丘賀先事京房更

魯伯張禹趙贇

京房

梁丘賀先事京房更

前集

所究研京東院學化文方東

No.

169



群書考索卷十六

前集

山堂先生章俊卿編輯

建陽知縣區玉刊行

元峯蕭泗校正

○正史門

通鑑類

初溫公以載籍煩多人主不能偏覽乃約戰國至秦二世如左氏體為通志八卷上之英宗命續其事治平中辟官屬編集前後漢則劉貢父自三國歷七朝而隋則劉道原唐訖五代則范純甫序李燾通鑑序初祖禹備唐長編蓋六公乃刪削冗長舉撮機要闡國家興衰生民休戚百卷今刪止八十卷善可為法惡可為戒者為一書此計二百九十四卷神宗製序賜名資治通鑑命經進進讀公又畧舉事自年經國緯以備檢尋為目錄三十卷參考群書評其異同為考異三十卷合三百五十四卷公又患通鑑其書浩大難於領畧而目錄第撮精要之語無復首尾晚乃著通鑑舉要八

十卷又採戰國以來至周之顯德凡諸國治亂集以為圖每年一行六十行為一重六重為一卷凡一千三百六十一年離為五卷治平元年上之而今本六卷蓋自威烈二十二年上距共和元平增多四百三十有八年見威烈王二十二年寔光晚年所備是為通鑑曆年圖書目又自宋一天下按于熙寧著為百官表乃若威烈丁丑而上伏羲書契已來論纂成書為稽古錄二十卷稽古錄序

英宗治平中勅司馬光編集歷代君臣事迹仍命自選辟官屬於崇文院置局許借龍圖天章閣三館祕閣書籍賜以御府筆墨神宗御製序神宗序畧云英考留神載籍萬機之暇未嘗廢卷乃命龍圖閣直學士司馬光論次歷代君臣事迹起周威烈王迄于五代光之志以謂周道衰王室微禮樂征伐自諸侯出平王東遷齊魯晉始大威文更霸猶託尊王為辭以服天下自威烈王倍臣執命韓魏趙諸侯周雖未滅王制盡矣此亦古人述作造端立意之所由也詩言商鑒不遠在夏后之世故賜其名曰資治通鑑以著朕志焉又云載明君良臣

切摩治道議論之精詔德刑之善制天人相與之際休咎廢證之原咸福盛衰之本規摹利害之效良將之方畧循吏之條教斷之以邪正要之以治忽辭令淵源歲歲深切之義良謂備焉

公嘗謂恕曰春秋之後迄今千餘年史記至五代史一千五百卷諸生歷年莫能竟其篇第畢世不暇舉其大畧厭煩趨易行將泯絕予欲託始於周威烈王命韓魏趙為諸侯下訖五代因立明編年之體倣簡要之文網羅衆說成一家書恕曰司馬遷以良史之才叙黃帝至秦漢興亡治亂班固已下世各名家李延壽總八朝為南北史而言詞卑弱義例煩雜書言表志沿章不完梁武帝通史唐姚康復統史世近亡軼不足稱也公欲以文章論議成歷世大典高勲義德褒貶流於萬世元凶宿奸敗紕甚於誅姦上可繼仲尼之經丘明之傳司馬遷安可比擬荀悅可足道哉治平三年公以學士為英宗皇帝侍講受詔脩歷代君臣事迹恕蒙辟實史局嘗請於公曰公之書不始於上古或竟肇何也公曰周平王以來事包春秋孔子之經不可損益曰曷不始於獲麟之歲

曰經不可續也。恕乃知賢人著書尊避聖人也。始知儒者可以法矣。
年號皆以後來者為定。如隋義寧三年便詩賦有所譏諷詔詰有所戒諭妖異有所警戒談諧有所補益者皆存之。餘乃刪去。如祖禹得司又曰周秦漢晉隋唐皆嘗混天下傳祚後世子孫微弱播遷猶承祖宗之業有紹復之望。今全用天子法臨統諸國其餘蜀魏吳宋齊梁陳後魏秦夏涼燕北齊後周五代諸國地醜德齊不能相一名號敵本非君臣者皆用列國法。至如劉備雖曰承漢然屬族疎遠不能紀其世數名字亦猶宋高祖自稱楚元王後李昇自稱吳王恪後是非難明。今並同之列國不待以漢光武晉元帝例為比。
溫公與劉陳瓘自言因讀通鑑然後知司馬文正公之相業也。此書編年紀事先後有倫。凡君臣治亂成敗安危之迹若登乎喬嶽。天字澄清。周顧四方。悉來獻狀。雖調元宰物輔相彌綸之業未能窺測。亦信其為典刑之總。

會矣

胡文定公編要補遺

鑑之得

卷之四

文帝時晁錯以賢良對策也。而一辭不錄。武帝時董仲舒漢廷之對二策所陳首尾畧具。蓋溫公之意以為文帝開賢良之科。正欲聞切直之論。而晁錯未免以五帝神聖其臣莫及。諛其君仲舒之辭正切直。所以格君心而裨聖聽者多矣。其去取之意或者在此焉。姚崇十事之諫非不切直也。通鑑則一言不錄。獨魏鄭公之諫疏與陸宣公之奏議紀之特詳。切以唐史鄭公宣公列傳較之。如信小人而疑君子之言。從諫不逮往年之言。皆不取諸傳而取諸諫錄。如遣使振撫之言。內節財賦之言。皆不取諸傳而取於奏議。溫公去取之意豈不以崇以十事要君非忠愛也。而魏陸拳拳之心。今於其言皆可攷也。故錄之特詳歟。魯仲連部奏軍此談者之夸大耳。故不書。四皓之立太子乃立黨以制父耳。故不載。劇孟以快顯而不錄。姚崇十事以要君而不紀。一先仁義三中官預事四嚴邪封五請行仗倖法六塞貢獻七絕魯肅以荊州借先造寺觀八體大臣九容諫臣十請書外戚之禍于史主而曹操聞之墮筆其事皆不書於通鑑而於考異有焉。

通鑑之失

項羽垓下之敗不敢復還彭城而東走烏江正以灌嬰引兵定淮地
彭城已覆其國都矣溫公雖載項羽敗垓下而不載灌嬰下彭城之事
豈亦有所遺乎漢自七國之變務抑諸侯獨嚴安上書武帝論州郡列
城數十形束縶制帶脇諸侯非宗室之利是蓋有見於安危之端者而
溫公通鑑削而不載豈非有所缺乎劉昭以為嚴安東既發憤謂千里
之計其後漢家以中外驛
嚴不降階序以運天下胡致堂管見謂田千秋薨二年不拜丞相
是霍光少昭帝也楊敞薨踰月而拜蔡義是霍光不敢少宣帝也其言
善矣然攷之百官表田千秋之後即拜王訢為相通鑑失於登載遂使
致堂發此議耳年紀王嘉上疏言元帝溫恭少欲都內錢四十萬萬水
衡錢二十五萬萬少府錢十八萬萬通鑑書都內錢而刊去下兩語豈
溫公以上為總結而下為分別而言之乎故總云都內錢四十萬萬耳
殊不知都內官名也食貨志云武帝募民田南夷
入粟郡官而內受錢於都內掌天下之經費
水衡少府掌天子之私藏嘉之所言謂經費私藏皆富耳。漢劉備即
皇帝位於武擔之南而溫公以昭烈於中山靖王族屬疎遠不能紀其

世數名位是非難辨遂抑之不得紹漢統則未知其去取之意也昔
諸葛亮稱元德為帝室之冑豈憑虛無據云耳溫公寬宥曹操謂操取
天下於群盜非取之漢室抑退蜀之主相不少假於孔明北伐亦以入
寇書之亦獨何哉習鑿齒作漢晉春秋以蜀為正統其編目叙事皆謂
蜀先主為昭烈皇帝觀此則溫公之失可見矣。漢興七十餘年之間
國家無事人給家足都鄙廩庾皆滿而府庫餘貨財京師之錢累距萬
貫朽而不可較太倉之粟陳陳相因物盛而衰固其變也此段見平准
書而通鑑載於景帝後三年按平准書云上即位數歲漢興七十年餘
正謂武帝初年非景帝年
政異漢帝紀之薛包茅容等舊史止附別傳通鑑具載事迹不
可謂不廣記而淮南王太史公皆稱屈原離騷與日月爭光而公乃不
載歷代文苑隱逸傳直十削去七八會要前例並存

外記

皇朝劉恕撰司馬光受詔脩通鑑恕辟置史局嘗謂司馬遷史記始於
黃帝包羲神農缺而不錄光為歷代書而不及書威烈之前以包羲至

末命三晉為諸侯可為前紀宋朝一祖四宗一百八年可為後紀將佚書成有請於光及恕病瘳絕意於後紀乃更前紀曰外紀。劉道原作外紀網羅考據詳矣獨惜其博焉而未粹擇焉而未精包義以來黃帝以前詭異不經之說往往畢載而史記所錄西伯尚父陰謀脩德以傾商之事亦復兼採至於論十六相之未舉四凶之未去始堯知舜於側微天下未服故貴之大功二十使民臣仰其功業是以唐太宗用李勣之微術曾謂聖人亦出此又論夏禹攝政虞舜南巡往而不反欲此度專意戴禹而遠邇無後望之意也此豈足以語聖人事乎其論傳說也謂其出於胥靡之中一旦舉用衆必駭懼故高宗托諸夢寐以服群臣耳其論命也謂命以杜無妄之求中人安於擯棄俟時而不就蓋聖人以此籠群愚而息爭端也若此之類蓋不一也識者當自能辨其當否

雜史類

通曆

唐馬總撰起天皇氏總史籍繁蕪故上索三墳中稽五典迄于隋季為十卷今存目十一卷起唐高祖者即孫光憲也光憲皇朝人館閣書目云孫光憲作續通曆十卷今附於通曆後者唯五卷爾通曆一書大抵簡畧首紀三皇尤詭誕不經與司馬正補史記所言無異隨事間有論著謂文帝廢幾於王道而景帝之擬周成康則有惠德謂宣帝刑名圖霸之主也而世以此光武非其倫也斯言當矣

帝王世紀

晉正始初皇甫謐撰以漢紀殘缺始傳按經傳傍觀百家著帝王世紀并年曆合十二篇起太昊帝包羲氏迄漢獻帝

蕭穎士編年

蕭穎士嘗謂仲尼作春秋為百王不易法而司馬遷作史記書表世家列傳敘事依違失褒貶體不足以訓及起漢元帝訖隋義寧編年依春秋義類為傳百篇熟陳閔隋以唐土德承梁火德皆自論斷諸儒不與大原王緒者僧辨裔孫撰求寧公輔梁書熟陳不帝穎士佐之亦著梁

蕭史譜及作梁不禪陳論以著義例使光明云

編年通譜

慶曆七年六月九日參知政事宋庠上之取十七代史并百家雜說凡正偽年號成一書詔送史館

歷代紀要

開寶五年四月參知政事列熙古上五十卷

蘇子曰古史

蘇轍作因司馬遷史記上觀詩書下考春秋及秦漢雜錄記伏羲神農訖秦始皇帝為七本紀十六世家三十七列傳謂之古史謂太史公始易編年之法為本紀世家列傳記五帝三王以來後世莫能易之然其為人淺近而不學疎畧而輕信漢景武之間尚書古文詩毛氏春秋左氏皆不列於學官世能讀之者少故其記堯舜三代之事皆不得聖人之意戰國之際諸子辨士各有著書或增古書以自信一時之說遷一切信之甚者或以世相傳之語以易古文舊說

史記無三皇本紀而古史則增之史記列孔子於世家而古史則黜之傳。史記無邾下惠曹子臧吳季札晉范文子晉叔向鄭子產傳而古史則有之

編年通載

皇朝熙寧章衡撰始自唐虞至于治平四年曰編年通載大率編年之例首國號廟謚以表元繫日月以記事其書正統之君以至公大義而得天下者堯舜夏商周漢唐宋是也其書或詐或乘衰亂而得天下者秦晉隋五代之梁後唐晉漢周是也其書乘時並起兩立而爭天下者魏蜀吳東晉後魏宋齊梁陳後周是也其書呂后稱制之年繫之少帝然則天擅政之歲列之中宗者懼後世改元據位讐偽假真以失正也其書后妃世子宗室之廢立者懼後世登廢黜冢祠愛戚公而失順也其書將相大臣之善惡者懼後世之惡直醜正詭譎擅權而失任也其書姦雄篡奪之興亡者懼後世貸刑拂教稔禍貽亂而失守也其書夷狄君長之逆順者懼後世持安危窮凶起難而失備也至如志災異以

示戒云符瑞以防怠明辛葬以正終始皆所以權衡褒貶會成史法以
便觀採焉通載

竹書

按隋經籍志晉太康中汲郡人發魏襄王冢得古竹簡書帝命荀氏勗
和嶠撰次為十五部八十七卷多雜怪妄其紀年用夏正載三代事不
及他國特記晉魏事終哀王蓋魏之史記也此本止有第四第六及雜
事三卷下皆標云荀氏叙錄一紀年一紀今應二雜事悉皆殘缺崇文
總目不著錄賸。案杜預左傳後序曰其紀年篇起自夏商周皆三代
王事無諸別國也惟特記晉國起自瑒叔次文侯昭侯以至曲沃莊伯
之十一年十一月魯隱公之元年正月也皆用夏正編年相次晉國威
獨記魏事下至魏哀王之二十年蓋魏國之史記其著書文意大似春
秋經惟此足見古者國史策書之常也。按劉知幾史通云汲冢書云
舜放堯於平陽益為啓所誅又曰太甲殺伊尹文王殺季歷凡此事語
異正經其書近出世人六不之信也。

東觀新書

許敬宗李義府奉詔於武德內殿脩撰其書自史記至晉書刪其繁辭
龍朔元年撰高宗制序

古史穆天子傳

冊府元龜云周穆王內史作體制與今起居注正同得於汲冢唐經籍
志云郭璞撰六卷未知孰是

史記譙周古文考

譙周以司馬遷史記書周秦以上或採俗語百家之言不專據正經於
是作古史考二十五篇皆憑舊典以糾遷之繆誤司馬彪復以周為未
盡善條古史考中凡百二十二事為不當多據汲冢紀年之義云

史記至言

唐褚無量撰史記至言二十篇明皇

西漢書前史精要

皇祐三年十月癸未詔丁度等前後漢書節義令撰序及名度請名曰

兩漢簡微詔以前史精要為名

兩漢荀悅漢紀

漢獻帝以班固書文繁難省乃詔悅依左氏傳刪為漢紀三十篇五年

乃就其言簡要

辭約事詳論辨多美其稱論者乃悅表其大事以參得失也

館閣書目

或問荀悅文中子曰史乎史乎表宏曰荀悅才智經論是為嘉史司馬

溫公通鑑考異云荀紀無漢書外事切嘗攷之殆不然也漢書汲黯傳

載帝問黯曰吾欲云注以為史畧其辭而悅紀載曰吾欲興政治法

堯舜何如十字趙后之立諫者固多而王仁之疏班氏所不載今存于

紀者首尾具在則其旁搜博采有補於漢史者多矣又其去取之間間

亦有惹如孝元帝曰上牽制文義優游不斷孝宣之業衰為此班固本

文也而悅則述其上兩語而孝宣之業衰為一詞則削而不錄其意深

矣其他紀載差誤固亦不少後元之歲乙巳載於丙午之後中元二

年建元四年未更正朔而冬十月皆載於歲之末西漢有諫大夫之

職而未有諫議大夫也而紀載薦望之薦諫議大夫劉向又貢禹至

拜為諫議大夫或習見東都之制而誤書乎

孫盛稱左氏春秋書吳楚則畧荀悅漢記述匈奴則簡蓋所以賤夷狄

而貴諸夏也

通史

荀悅既刪畧班史勒成漢紀而班彪論王命列在未篇夫以規諷隄囂

翼戴光武忽以東都之事擢居西漢之中皇甫湜謂荀氏為漢紀強欲

復古為編年然其善語嘉言細事詳說所遺多矣如覽正史方能備明

其論裴子蜀宋畧亦然

天祚長曆

柳璞作長曆斷自漢武紀年為編年以大政侵叛戰伐著之門位附見

其左

後漢紀

宏見漢時傳教作顯宗頌辭甚典雅乃作頌成章頌簡文之德上之於

孝武時為東陽太守宏撰後漢紀三十卷傳於世

晉表宏撰并序宏以後漢書煩穢因撰後漢紀又以謝承華嶠諸書錯謬同異唯張璠言漢末之事差詳故採而益之

荀悅作前漢紀在班固之後表宏作後漢紀在范曄之前宏在晉末為一特文宗佳

強直雖極溫禮遇每不阿屈冕志

荀表二紀於朝廷紀綱禮樂刑政治亂成敗忠邪是非之際指陳論著每致意焉故其辭縱橫放肆反覆辨達明白條暢既啓告當代而垂訓

無窮其為善卓矣王鍾後序

表紀之失固亦不少薛包安帝時人也乃載於章帝紀順帝之元無所謂元嘉而表紀順帝之末歲乃以元嘉紀號司馬公固嘗駁其失也其有補於漢事者亦間有之鄭洪諫答烏孫之議并言實憲之惡今於表紀有考焉而范史未之聞也

司馬彪續漢書

司馬彪以漢迄建安忠臣義士亦以昭著而時無良史記述煩雜譙周雖已刪除然猶未盡安順以降亡缺者多乃討論衆書綴其所聞起世

祖終孝獻編年二百餘世十二為紀志傳凡八十篇號曰續漢書

元嘉漢記

漢成帝元嘉中詔伏無忌與黃景崔寔等共撰漢記

東觀漢記

漢自明帝以後撰光武帝紀及表志列傳載記皆每朝旋脩至靈帝時已成百二十七卷雖未終一代之事且見逐時不闕脩述今東觀漢記是也

王隱晉史

晉王隱父銓少好學有著述之志每私錄晉事未就而卒隱博學多聞受父遺業西都舊事多所講究大興初召隱為著作郎今撰晉史時虞預私撰晉書而生長東南不知中朝事數訪於隱并借隱所著書切寫之後更嫉隱隱以訪免黜歸于家依征西將軍庾亮亮供其紙筆乃得成事上之隱雖好著述而文辭鄙拙無件不倫其書次第可觀者其父所撰文體混混漫義不可解者隱之作也

于寶晉紀

中興草創未建史官王遵上疏宜備史官勅著作佐郎于寶著晉書自宣帝迄于愍帝五十三年凡三十卷奏之其書簡畧直而能婉成稱良史

徐廣晉紀

廣撰成國史成晉紀四十六卷

脩文殿御覽

北齊後主置上林館以中書侍郎杜德林黃門侍郎顏之推判館事文命共撰脩文殿御覽

唐春秋

吳兢在長安景龍間撰唐春秋詔兢就集賢院論次兢叙事簡核號良史晚稍疎梧人病其太簡

韋述唐春秋

韋述性嗜書撰唐春秋三十卷

韋述續七志

馬懷素奏述與諸儒即秘書續七志

韋述六典

先是詔脩六典徐堅造意歷年未有所述始摹周六官頒其屬事歸於職規制定初令狐德棻吳兢等撰武德以來國史皆不能成述因二家參以後事遂分紀傳文為例一篇文約事詳蕭穎士以為譙周陳壽之流

唐六典開元十年起居舍人徐堅被詔脩六典於集賢院明皇手寫六條曰理教禮政刑事張說知院委徐堅開元二十六年書成先是詔脩六典徐堅命意歲餘未成及肅宗引韋述撰定始以令式摹周六官規制遂定

柳芳唐曆

肅宗詔芳與韋述綴緝吳兢所次國史叙天寶後事棄取不倫史官病之又做編年為唐曆四十篇頗有異聞然不立褒貶義例為諸儒譏訕

高氏小史

唐藝文志高峻初六十卷子迺釐正之峻元和中人凡一百卷

建隆重編唐會要

建隆二年正月乙未司空平章事監脩國史王溥等進編唐會要一百卷文簡理備太祖嘉之此書德宗時蘇冕始撰四十卷至武帝時崔鉉又續四十卷至是溥又承宣宗以後故事勒成之詔藏於史閣賜物有差

諸家唐書

溫大雅創業起居注

房元齡許敬宗撰實錄

姚思廉撰紀傳

長孫無忌令狐德棻綴舊史

許敬宗撰高宗紀傳

李仁實撰敬宗諸傳

牛鳳撰唐書

劉子元吳兢等更撰唐書

劉吳徐更定則天實錄

唐武德間溫大雅首撰創業起居注三篇自是房元齡許敬宗敬璠相

次立編年體號為寶錄正觀初姚思廉始撰紀傳祖成三十年顯慶元年長孫無忌于志寧令狐德棻楊士卿等因其舊書綴以事復為五十年龍朔中敬宗總統史任更增前作混成百卷始高宗本紀及永徽名臣四夷等傳多是其所造敬宗所作紀傳或曲希時旨或猥飾私憾凡有毀譽多非實錄其後李仁實續撰于志寧許敬宗李義府等傳載言記事見雅直筆長壽中牛鳳及又斷自武德終于洪道撰為唐書百有十卷然以鳳及之不才而輒議一代大典叙事則參差倒錯既而悉收姚許諸本欲使其書獨行由是舊典殘缺殆盡長安中劉子元與吳兢則徐堅吳兢更撰唐書八十卷神龍元年又與堅兢重定則天實錄總為三十卷

新史糾繆

哲宗時吳鎮進唐新史糾繆凡二十條

或云哲宗時乃紹興間可更攷

唐起居注

起居郎掌錄天子起居法度天子御便殿則即居左舍人居右有命俯

陞以聽退而書之季終以授史官正觀中以給事諫議大夫兼知起居事每伏下議政事起居即一人執筆記錄于前史官隨之其後復置起居舍人分侍左右秉筆隨宰相入殿若伏在紫宸內閣則夾香案分立殿下直第二螭首和墨濡筆皆切處時號螭頭高宗臨朝不決事有所奏唯辭見而已許敬宗李義府為相奏請多畏人之知也命起居郎舍人對仗承旨伏下與百官皆出不復聞機務矣長壽中仗下後宰相自錄軍國政要為時政記則天時姚璿請宰相自撰時政記月送史館然率推美遜善事非其實未幾亦罷而起居郎猶因制勅稍稍筆削以補國史之闕開元初詔脩史官非供奉者皆隨仗而入位於起居郎舍人之次及李林甫專權又廢太和九年詔入閣日起居郎舍人具紙筆立螭頭下復正觀故事楊嗣復開成中為相請延英對宰相語關道德刑政者委中書門下直日記錄月付史館他宰相議不同乃止裴休大中六年奏言宰相論政上前知印者次為時政記所論非十詳已辭畧他議事有所關史氏莫得詳請宰相人自為記合付史館詔可

太宗欽觀起居注

朱子奢太宗時為諫議大夫洪文館學士帝常詔起居紀錄臧否朕欲見之以知得失若何子奢曰陛下舉無過事雖見無嫌然以此開後世史臣之禍可懼也史臣全身畏死則悠悠千載尚可聞乎

隋志起居注者錄紀人君言行動止之事春秋傳曰君舉必書書而不法後嗣何觀周官內史掌王之命遂書其副而藏之是其職也漢武帝有禁中起居注後漢明德馬后撰明帝起居注則漢時起居似在宮中為女史之職然皆零落不可復知今之存者有漢獻帝及晉代以來起居注皆近侍之臣所錄晉時又得汲冢書有穆天子傳體制與今起居正同蓋周時內史所記王之副也

唐正觀政要

吳兢神龍中撰采摭太宗朝政事之要隨事載錄以備勸戒合四十篇上之

唐贊文宗恭儉儒雅出於天性嘗讀太宗政要慨然慕之及即位銳意

於治故太初之政事脩飾號為清明于時因政要思魏鄭公賢詔訪其後

唐太宗政要

李延壽嘗撰太宗政典調露中高宗觀之咨美直筆藏副秘閣

吳兢武后實錄

初與劉子元撰定武后實錄叙張昌宗誘張說誣證魏元忠事說為相即從容謬謂曰劉生書魏齊公事不少假借柰何兢曰子元之亡不可受誣地下兢實書之其草故在聞者歎其直說屢以情斬改辭曰徇公之情何名實錄卒不改世謂今董狐云

唐時政記

武后時姚璩建言永徽後左右史唯對仗承旨仗下謀議不得聞璩以帝王謨訓不可闕紀請仗下所言軍國政要責宰相自撰號時政記四十卷以受史官從之

韋述開元譜述

述好譜學更撰開元譜二十篇

順宗實錄

韓愈為順宗實錄其間載李吉甫事似不少假借德裕當國快快有不平之意請更之者屢矣其後卒竄定無全篇

憲宗前代君臣事跡

憲宗見太宗撰金鑑錄帝範明皇撰開元訓戒採尚書春秋後傳史記漢書三國志晉漢晏子春秋新序說苑等書君臣行事可為龜鑑者集成十四篇

君臣道合

辨邪正

戒權倖

戒微行

任賢臣

納忠諫

謹征伐

謹刑法

去奢泰

崇節儉

獎忠直

脩德政

簡政穢

錄勲賢

憲宗連昇

憲宗詔李絳與崔群錢微幸洪景白居易等撰次君成敗五十種為連

穆宗政記會要

唐實錄

唐正觀中房元齡等上所撰高祖太宗實錄各二十卷永徽初史官太尉無忌等脩正觀實錄上之顯慶中許敬宗等撰正觀二十三年已後至顯慶三年實錄至二十卷添成一百卷高宗少時宗所記多并實錄胃親履良鋒削平區宇數年之間四海清晏方始歸功上帝臨御下人作觀國史所書多周悉如等必須探微索隱原治要終盛業恢勲成使備至如先朝作感鳳賦意屬阿舅及士庶敬宗仍後向尉遲敬德內又嘗幸溫湯教習長圍四合萬隊俱前忽然雲霧昏部伍錯亂先聖恐枉法者多待其既整然後臨觀顧朕曰振旅訓兵國之大費此之失於法不輕我見必須行法我之不出乃為良也乃移細諸傳能畏

則天實錄三十卷中宗實錄二十卷

韓愈集 順宗實錄

愈嘗禁中事切直闕宦不喜訾其非實在文宗時詔開正摘去元和永貞間事

五代會要

王溥又采梁開平至顯德事跡為五代會要三十卷獻之

群書考索卷十六

前集